



雨念齋詩文鈔

二

~ 16
2377
2



和
號 2377
卷 4-2



雨念齋詩鈔卷第三



完山李鳳燮聖章

著

男

明五謹校

孫男

晚用復校

陪損齋相公與趙持卿蔡景洪

希範

南時

韞玉賦梅各四十首

香色天機合清和聖品齊隔紗身窈窕移燭影高
低獨立從陰轉全開許月棲從公賦此樹江雪十
年迷

披帷宛自在坼蕾淡相齊蘊藉香逾遠清嚴格不

同舍齋言金卷二
低袖寒脩竹倚光暈雪山樓千卉方如夢憑渠早
喚迷

山客寒爲旅芳隣強訊梅花應吐萼早詩已過橋
來喫水心方細聞香閣屢開何須相促迫陽自雪
中回

膚率東方什淵翁始賦梅試從孤響後強欲逼真
來絕澹文章蘊純清宇宙開無人語此道三嗅暗
香回

橘豈當夷像累應擬頌梅烈風不迷處馨德黯然

來何限全身勁卽之微笑開孤根與弱植文采一
低回

細吐嬋娟萼深蒸礮磊根嗅香通有氣剪雪巧無
痕寒逼蕭蕭骨春生澹澹魂有誰摹寫似纖月暝
垂門

玲瓏破綻處拍拍盡天根可怪寒無粟渾看皎有
痕層翻珠壓被微倩月停魂終是山林骨偶然卿
相門

孤艷猶須燭幽香不住昏花應無較白月亦暫成

翻秀出人天淨寒凌雨雪繁參橫清夢迥曉起似山村

枕席香凝遠簾鈎雪縮寒無言春自在交吐月方團
祗信孤芳潔那堪衆卉殘猶憐閭裏貯難及水邊看

送客觀離合留花慰寂寥冰霜獨立影燈火可憐宵
麗藻輝東閣前遊渺野橋風流及韋布地近易成招

有是花之絕陽非剝後無英華薰自發風格秀宜

孤冰雪方知子乾坤善養吾酸醎歸鼎鬲根着白江湖

歲色誰愁暮花心尚未衰終應盡意吐不恨破芳遲
振觸香含澁橫斜影散奇沉吟空谷裏絕代有相思

圓滿方知閱歷深清芬肯許一塵侵淒風不撼蟠
拏勢澄月文明馥郁心不有全開難見體誰能寫
照浪成吟先天素液流通遍從此羣芳意不禁
信息龕中幾日深放開從汝雪霜侵根枝乎感餘

無蘊色相森羅洞見心
嚙笑自知須旺運周旋方
許費長吟羅浮月魄垂垂滿
珍重繁香詎可禁
箇箇春光各闡微老槎升液潤
苔衣多生苦癖寒
無悶抵死香心吐不稀嚴冷陽和終
僅蘊參差爛漫只同歸風流院落情
相熟客有可人期莫違
駘蕩神情目送微隔紗仙影皺霞衣
化工鍾得風標別綺語摹來意態稀
不自由時香遠聞長相思
處客何歸超然月落參橫後幸與鶯啼
燕語違
稚陽透露道心微多少娉婷雪映衣
刻鏤春應如

意巧徘徊月自盡輪稀積年根骨排寒
正度世芳菲護影歸不是有心成獨立
羣花氣色苦相違
意態亭亭粲入微曉風羅幕乍吹衣也
應樓冷舍嚙淺除是詩清發笑稀枝出影
如林下見香分人向月中歸惟堪濯魄冰
壺裏然後周旋庶不違
水邊林下久相疎京洛相逢慰燕居
皎合清寒通雪月圓排奇遇粲圖書
高低各自嬋娟態爛漫終思甲坼初三
歎菊蓮時不併獨將仙馥淡如虛
仙佛之間契不踈真陽流動定中居
葩繁各保冰

霜氣影落交成篆籀書洩盡天機無隱爾句回春
色却還初生香杳在忘言處吟到參橫只弄虛
繁葩分坼似相踈脉脉心情澹澹居絢素交光還
宇宙清寒呈勢逼琴書婆娑立雪身如昨凌厲迎
風氣復初縱使毫煤摹寫盡幽香欲覓渺歸虛
今年多怪雪何疎夜起窻光月不居無數花開成
佛界有誰冰飲讀仙書劇知消落同歸幻全得清
高不改初香色何須分彼此陰凝陽坼自玄虛
不斷生香不皺顏神情何限寄幽閒冰霜自古終

須耐松竹同評若是班天下無花叅獨立春來有
月悵虛還真成五一梅爲主豎白奇談象數間
清徹羅幃澹魄醒怪來分影遍虛庭頭頭圓滿神
仙白陣陣埋迷宇宙青前夜洩香詩滿紙凌晨壓
冷酒熏瓶終須盡意開春色散作羣芳不是零
清切幽期自一家虛光忽復透窻紗鋪來積素嚴
寒令迸出孤芳侈歲華春氣不消渾樹雪空中自
落欠香花十年遙隔西湖白雲積寒洲月漾沙
政愁月稍缺仍與雪相遭絕艷元須澹繁香不掩

高嘖知衰旺
遞笑爲品題
豪何處春風
面神情許
爾曹

閉影還如隱
尋香始有遭
渺然衰世冷
清絕一花
高澹月交相
映玄冥未敢
豪從來粉澤
語恐混陸
陳曹

分情花不妬
動魄畫相遭
且置鉛華別
須叅骨態
高心融天下
白日冷五陵
豪如此花兼
畫泚毫豈
俗曹

垂垂衰相爲
誰嘖駢馥連
芳幾許隣
缺陷已教殘

月晦侵凌時
有曉風嗔無
由撐拄清爲
崇縱有叅
差幻却均求
我諸人休緩
緩迨其未落
酌無巡
無人解效捧
心嘖憔悴枝
梢強作隣地
位孤高元
厭鬧天機漏
洩不須嗔身
非脆薄冰俱
化心有流
通卉各均符
到也應催玉
馭肯隨青帝
作東巡
羣仙齊赴
返真期枉道
癯容落鏡衰
一笑已知傳
法處重來猶
在護根時精
華散漫經冬
閤心緒歲
蕤吐葉枝他
夜東風明月
到屋樑顏色
爲誰遲
日夜專心自
有期清芬駐
世念應衰夕
陽無限黃

昏影春雪同歸白褪時萬事誰非東閣樹數英猶
賴北邊枝還如未發何思慮通感明年亦不遲
色態垂垂倦風情冉冉過活埋龕骨定看殺誅詩
多舊障縈三宿餘香散百和乾坤衰盛理花亦奈
春何

花已歸詩盡香應掠酒過根塵幻如此圓滿苦無
多抱雪光融化凌風力振和餘功猶可見芳運果
如何

容華蛻影盡津澤掃香過剪燭無聊坐飄零取次

多先歸情更積孤住氣難和春雪虛相訝青枝奈
爾何

葩葩意倦摠堪憐短景何由抵小年無柰崢嶸全
樹出偶然飄瞥易枝懸身分百億團相化香駐虛
空嗅始牽看到離披那免此不須惆悵翠禽邊
濃情誰遣日趨微繁處先看觸手飛擁得虛槎蟠
太古結留高萼奮餘輝終憐馥郁開心盡永抱清
真到骨歸衰旺一場觀世眼往來空色只天機
格清華偶發功積限難留一氣元無住寒槎枉作

羞何須愁玉削自足占花頭終始矜持性輪回造化酬

空枝無以慰幽馥渺難聞真樸還依舊芳菲許各分魂應歸夜月詩似悼朝雲皎潔心期在窮途不累君

好教精彩一番驚爛漫殊非澹泊情詩亦獲麟能已畢花如夢蝶幻何輕餘香墜粉微茫遠老幹長枝寂寞橫拍手蓬萊清淺後適來何用較浮榮

國衙夜會與洪大圃

樂仁

共賦

殘年遐想繞雲丘厭見城塵日夜浮鐘柝寒聲燈欲盡星河遠影雪同流天時新莢驚將換世路明珠恥暗投王子宮西松籟近幅巾聊爲一樽留

宿蕉研齋

晝雨餘雲夕不稀因之月出散輝輝枝柯可數楓梧靜聲影俱空鴻鴈歸復此題詩黃菊夜相逢有客碧蘿衣時時身寄柴舟下家在楊根峽水圍

沈伯修元子承同過

黃菊今年不早開時聞紅葉下樓臺秋陰不定高

霞落返照微明數鴈來宴坐寒山晴自到浮生喬
木氣相催百年潦倒長安酒前夜松壇與月迴

桐江亭子與子承作

雲沙喚渡到汀扉瘦馬斜陽便送歸來往蒼蒼江
有鳥登臨颯颯葉吹衣竹欄亭子莓苔濕栗樹村
西烟火稀勝似長橋連夜月森羅景色雨微微
江漢思君騎馬來玄冬氣色莽悠哉漁樵返照同
舟泛亭榭高林向雨開野迥餘禾猶浸水園深微
雪不藏苔岩嶢禁直今何似彤筆蠅頭聽漏回

仄徑荒籬門不關仲冬林木氣蕭閒寒濤初白帆
吹雨獨鳥逾微日隱山法畫奇書自高致舟人漁
子非生顏終應置屋東西岸晨夕賦詩煙水間
栗藪荒荒掩榭籬菊花香遠已多時却來元子高
亭榭又賦今年微雪詩夜水虛光烟不翳林臯遠
響雨相隨漁梁鴻鵠寒無月舟過菰蒲睡不知
夜水淪漣水鳥呼蒼蒼樓隱荻林隅山寒喬木雲
高下江遠孤舟火有無只以圖書消短景每聞風
雨惜窮途雲沙北望城塵隔難得今宵與此湖

臨水崖根插幾尋淹留微雨又寒林雪園晚葉多
淒響夜渡孤舟只遠心蕙苴亦能隨短酌梅花足
以抵窮陰欲知萬物歸根意須得三餘宴坐深
石隅店過白沙寬微雨乘舟江水寒庭植梅槎花
不早壁懸嶂障客來看崖青樹木難藏寺樓出帆
檣盡在欄晚鴈北歸期亦易不知何事尚雲端
木石臨洲勢不平漁樵散盡只柴荆崖村易黑渾
雲氣江夜多聞又雨聲萬事樓仍離郭靜百年燈
爲讀書明菰蘆雪片歸雙鬢且賦新詩記地名

多少寒山遠近洲主人磨墨記茲遊飛鷗進止無
常浦鳴葉高低有掩樓隣杵應眷新割稻漁燈猶
在自停舟一年花鳥歌吟盡看到梅開始欲愁
樓東星影乍開津淦淦寒山不可親一氣虛橫江
吐岸荒村孤起樹如人雨圍燈燭猶聞葉潮宿鳧
鷺不識塵昨日高雲何處盡上游千疊又看新
曉夜之交氣不同蒼蒼星漢已西窮雪山吞吐村
橫霧水草離披江有風始有漁舟離岸黑猶看村
火伴砧紅無由瀉出空濛勢身在蓮潭潑墨中

雨後念齋詩鈔卷三
昨來微雨竹鳴牆曉起圓沙野勢長容我扁舟凌
雪浪留君孤坐只黎床坡郵廢店瓶羅酒典署荒
烟草散羊最是駐驢回首處吳家梨樹半斜陽

崔士謙山齋

世祖園陵莽蒼邊山長水遠寄人烟寒花社酒留
今夜春渚漁舟記少年月細楓籬無鴈過村深松
火有砧傳一丘喬木書千卷身似孤僧耿不眠
城裏無詩可送秋小驢黃葉峽橋頭逸民霞躅寒
山靜學士書樓野水流喬木何心堪老大高鴻極

日羨行休松窻一面從君拓月滿平郊始欲愁

叅贊墳塋古子孫仍作家燈深聞落木月昃辨黃
花窈窕川原隱蒼茫鴻鴈賒煙城愁更入明發僅
晨鴉

琴書移白下丙舍漢之陰菊花隣野水雞犬宿秋
林燈出婆娑影詩開寂寞襟宮曉水落勢纖月已
難尋

窮居無聊風雅之道索然大宗伯鄭公

輦

良按節關西俯索臚語曰篇數宜多且

謂西土佳麗可觀一遊其有意乎嗟乎
浮生匏繫困頓泥土鬱鬱無適意事仗
公之惠秋至西下縱覽江山亭館之勝
以散牢愁固不辭耳謹賦近體十五篇
錄呈節下迤及樂浪勝槩以做蘓子瞻
免作廬山生客也

朱幡曉渡碧蹄煙三疊陽關路半千箕子城空江
似練榴花節晚月初弦南宮鳴佩丹青夢西塞青
山畫角天老圃秋香他日事可能忘却邵州田

雲霄絳節路迢迢白堞青林上畫橋外官斯爲東
國最寸忱猶恨北宸遙歌成五袴來何暮卜叶三
台暫去朝緩帶風流應不淺南樓明月好誰邀
向誦新安揭壁詩儂軺纔返又檐帷百年雨露承
恩遇千里湖山寄保釐鬢白幾州齊泲髓龔黃從
古不須碑時清詐懈籌邊策畫燭矚輸有所思
畫戟清香暫息勞官爲刺史亦云豪全牛積牒恢
恢刃良馬平郊子子旄花鳥情寒愁古洞隋唐功
遠俯殘壕金銀氣盛何曾膩冰蘂聲清不自高

解釋九重西顧憂高牙大纛鎮邊頭循良漢代二
千石佳麗遼東四十州宴坐香凝雲母牖清歌月
上木蘭舟紅蓮綠水揮毫意攜得江南趙倚樓
殷師舊跡莽千年麥穗悲歌事宛然并列三仁心
自炳空聞八教史無傳子孫多少鮮于氏風雨熹
微井字田至正大中皇極訓誰人解讀九疇篇
朱甍粉堞鏡中看綵筆何人氣像干南浦綠波孤
響遠長城大野續吟難雲移遼塞西飛鶴雨過神
君舊憇檀平楚蒼然菱唱晚日邊何處望長安

東明遺蹟一茫然石老城空月獨懸麟馬何關會
闢土魚龍應見舊朝天神仙恍惚樓臺迥文獻蒼
茫父老傳黃鶴白雲題在上一頭文靖筆如椽
千里雄藩 聖渥長西川地闊暫迴翔江光淨引
澄清轡林勢平連蔽芾棠過去煙雲高句麗至今
詞藻鄭知常秋巡歸路飄然意萬疊楓杉上妙香
兒女蘭橈慣採荷峯名卽繡鳥名羅江山點出雲
端畫樓閣添成錦上花未信吳中爭甲乙能於東
土極繁華當時漢使猶回首多少風流灑墨過

皇華遺躅一欹欵盛際誰傳劫火餘翰墨空留朱
學士丹青猶謁石尚書龍蛇事遠東征甲韎鞞塵
隨左袵車薪膽風泉悲苦語關雲倚劔意何如
行部秋連七邑長大荒西望莽蒼蒼黑龍江怒胡
雲駁白馬城淒漢月黃分界蓼軍嚴管束半洋商
舶察荒唐統軍亭子空懷古一讀踈菴舊上樑
黃簾綠幕不勝清暫輟文昌曳履聲世路浮雲歸
莞笑長安明月寄葵誠霏紅不作紛華夢佩玉逾
存澹泊情盡取簪釵需壬歲至今人說李完平

比舍多年不待呼憐才一念荷窮途情無燕子炎
涼羽思結鮫人錯落珠關塞暎違秋欲到京華蹤
跡月同孤祇應觚墨憑心緒極目西雲鴈有無
要慰窮人硯磊愁清秋有約出關遊東方千騎青
絲擁西極孤雲畫棟浮祗是登臨生感慨何妨笑
語作淹留柰無杜陸淋漓筆應負三巴百尺樓

陪翼齋洪判書拈韻

疏渠公事不瑕勞張燭詩情尚可挑寒士俱懽元
宿昔青雲自致最甄陶雨露庭卉微聞馥風度壇

松偶作濤依舊西汀窮上舍謗隨非是坐名高

夏日過洪大園

君笑犁然我意閒
高樓晚綠燕飛還
蟠曾事廣時
談史閉影身清不待山
陶寫何妨花已落
留連非
爲雨相關九原浣
老今難作前歲遺文已告剛
婆娑身計不禁閒
城市芒鞋偶往還
積謗似能銷
瘦骨奇文那復貯
名山開心世路無相與
滿目天
機只自關花絮
池臺清晝永淋漓戲墨許君剛

國衙小集

澹泊秋花自好顏
雲霄舊契杳難攀
浮名今古終
歸謗窮士乘除只是閒
風柝微聞金闕北
霜鴻頻
度絳河間
披箋灑墨欣然笑
每到君家信宿還

又拈

屬拙翁
盧天若

長安歌古意羈抱對終南
夢落華陽瀑
鴻稀上黨
嵐雲霞詞獨蔚芻豢
味能甘鐵硯磨難盡
猶思一
戰堪

過稷下士謙宅

寂寞之濱
淡燭開長安昏睡幾樓臺
溪無曲折雲

俱瀉松自蕭森雨幻來今古汗青誰滿意男兒頭
白不須哀西遊浩蕩橫千里浮碧崢嶸信馬回
無地平埋萬斛憂一千年史展西樓蟲將獨夜看
衰世天爲窮人置盛秋燭跋頻添詩滿紙松濤浮
出屋如舟平生懶作歲華語知己黃花待白頭

出門

點檢初心亦自高中年畸跡轉牢騷文爲書記雕
虫技武作軍官躍馬勞成事因人元碌碌流光欺
我劇滔滔山川極目三千里一笑出門看寶刀

稚子垂髫炯兩瞳晚生嬌愛未開蒙使無疾病斯
爲足何必詩書復學窮忍想吾年曾汝似尤憐阿
弟與兄同不知老父登千里牽着戎衣笑佩弓

弘濟院

中原豈天上今日出門行車馬蒼茫散川原寂歷
平真成自崖迤誰是勝潮情猶見斜陽色依依滿
曲城

臨津

缺峽通雲細寒澌撲堞長山川行莽蕩旗旆自飄

揚惻愴臨齋墓縈回學士庄延平曾失險往事後
人傷

松都

道說秘記今安在洪武壬申無奈何松色同歸羅
代葉糶田無限木綿花千峯飛舞空寒翠一統蒼
茫有逝波縱使杜門徒自靖猶優賣國媚他家

青石洞

束峽瓶甕窄疑兵草木荒女真經白晝男子少東
方天險終難恃人謀奈不臧誰爲元帥者駐馬事

堪傷

豬灘

蜂目凶鋒銳豬灘七將亡歸元血應碧奮舌氣逾
張荒磧哀湍響陰虹古戰場錦南終奮翅鞍峴據
能忙

葱秀

西下無詩料奇巖眼忽明鬱葱凝石氣靈秀鎖泉
聲神女螺鬟重祥禽錦翼輕苔侵天使筆駐馬百
年情

練光亭

明月七分箕子國長城百尺練光樓騰身縹緲雲
生袂極目玲瓏雪擁洲清麗精神冬始見紛華應
接夜方休欄干十二橫今古淵老題詩在上頭

驢島觀獵

中原山色近蒼蒼皓雪玄冰目力長武士雕弓清
北馬佳人狹袖羽林裝雲沙不盡絃歌細鷹犬無
聊獵藪荒東國幅員看已極燕齊落照下微茫
行臺豪舉慰離愁驢島林長信馬遊地勢已窮衣

帶水雲容遙識帝王州三分了一蒼茫路十隊成
雙宛轉謳義順館前鍾欲動匝城燈火幾家稠

發龍灣宿九連

龍灣燈燭七宵餘雪漲中江進使車八萬銀包纜
照驗三千燕路不躊躇雲沙悵望官娥影煙火分
明戍卒居隱隱統軍亭漸小鎮江寒日下山初
燎火通明畫角愁窮山巨谷氣淒幽于林之下爰
休馬問夜何其數攬裘北上饒歌多學漢東來金
幣異觀周人情自認中州大吾國非無絕炎遊

入柵

朝暾初上簇征鞍短柵逶迤幾疊山皮褐男丁身
左衽花簪女子耳三環雞豚狗彘眠同室秫粟糟
糠粥作餐也識天荒猶未破羯羴風氣近烏桓

八渡河

木石元無異窮荒只自賒三义非別水八渡是同
河豹褐多翻着騾車輒倍馱馬頭能漢語酬酢問
如何

發通遠堡宿連山

通遠堡西星滿襟連山關北日斜沉
泱流冰咽黃蘆野危石風翻赤榭林
峽坼寒笳愁旅響寺荒短碣護觀音
客程去去何時已故國梅花不盡心

會寧嶺

嶺路透迤不見端蕭蕭徒御氣摧殘
雖無峻壁參霄起自是長山得地難
大木杈枒鳥獸伏玄雲層疊雪霜蟠
羊裘不暖冰髯結今日何如昨日寒

青石嶺

車箱箭括巧縈環蛇鳥盤攏極險艱
野欲平開千

月念齋詩金卷三
里曠山應鎖截兩重關深青石壁排雲裂昏黑藤
根冒雪斑默數經行多悵望曉星嶒崿洞仙蟠

遼野

天似穹廬逐望低蟠來大陸絕端倪都無一點山
相礙只有三時塵四迷快展鋪舒觀造化平開曠
邈眩東西恒沙億萬容多少那得曾襟與此齊

遼野寄子承

遼河風雪撲衣時彷彿梅花夢見之似是元三
明月舍寒香觸鼻坐論詩

雪滿京華月上時左披緗帙右徽之應說聖章遼
野外曉鞍宵店幾篇詩

白塔

不有峒嶢天半寒那能鎮此野漫漫功深宜爾長
無壞物大方知遠可觀誤認令威斯地化難詳敬
德某年完飛來諸佛叅雲立歷劫滄桑帶笑看

曉發大霧中

征車日轉似飄蓬路入漫漫積霧中四面渾成銀
湏洞千林屢度玉葱籠朝鮮衣服霜霑白遼野樓

臺日上紅開豁氛埃頃刻事何時文物闢鴻濛

瀋陽

大野中央闢瀋陽市塵城郭爛生光樓臺盡向層
霄起驢馬如將鉅谷量應以神州爲逆旅故於寧
塔預齎糧黃圖狼望知難久落葉歸根是大荒

周流河

黃沙轍跡割如溝無日無風路未休敗甃不知何
代築長河始作兩條流乾坤納納方知大今古茫
茫只作愁東北漸看山似髻巫閭餘麓散遐陬

白旗堡大風

大野凜風踐昔聞黃沙萬掬亘成雲掀翻地軸紛
如搏漲塞乾文莽不分湏洞如遊軒帝夢調刁佇
發漆園文六羸日暮歸何處悵望元封度漠軍

小凌河

小凌河口一霑纓萬曆遺碑四勅橫當日非無陰
雨備祗今惟見劫灰平不知皇績緣何敗漫把天
綸作已榮多少遺民泚頽處奴酋二字斷逾明

松山堡

雨後齋言金卷三
殘山剩水繞茫茫百感天寒古戰場蚌鷓相持心
獨苦熊魚未決恨還長平沙折戟胡人得敗堞殘
煙佛寺荒等死無寧殉此地可憐遺臭失流芳

杏山堡

松山已覆杏山隨敗局皇朝事事悲金汗旌旗風
雨集紅衣將帥姓名誰沙蟲鬱結冤難盡寧錦孤
單勢不支今日獨經征戰地壞城殘照下垂垂

山海關

神州今古大包容千仞城頭一盪曾山自北來馳

萬馬海從南圻戲羣龍秦皇功大華夷限吳帥情
悲內外攻舊毀于今驕不補待誰兵力一泥封

山海關關帝廟見孫高陽筆蹟

山海關西關帝宮高陽遺筆氣如虹想當灑墨留
楮日已決投繯死國忠天日丹心應併照姓名青
簡較誰雄門生能有錢謙益碑版流傳到海東

祖大壽牌樓

石門天半象雌彝榮贈輝煌刻鏤奇隴李家聲非
不美襄城兵力亦云疲升年苟活千秋愧四世名

勳一節虧聞說城西留穢塚順治哀誅作殘碑

榛子店

誰家頽壁掩芳塵榛子店名一愴神零落江南無
命女寂寥天下有心人山長水遠應難返月墮花
沉未得真名媛集中詩不載偶然流到海東濱

太和殿元日

前朝文物隔依稀日盪杳恩散曙霏八十一楹皇
極殿王侯將相滿州衣金甌缺裂終誰補玉璽循
環自有歸脚踏三楊鳴佩地擎天柱下涕潛揮

定日回程志喜

三行騎率意徘徊喜似春天積霧開禮部回咨硃
印到端門頒賞舌官催馬嘶青草行將秣金盡奇
書不復來歸去誰存桑下戀四旬辛苦玉河隈

出正陽門

通州春水漾文漪獅子欄干馬去遲召伯山川三
月夢武靈衣服百年悲無由重到身全老縱有沉
思世孰知快活歸禽雲萬里何曾回憶在籠時

盤山

太行陽麓陟嶒嶸皇帝行宮紫翠凝絕頂紅樓高
隱隱半空飛塔白層層行天下大益知小有此山
來凡幾登當日西平能有子托名紀述賴良朋

高麗堡

漠漠水田經眼初村名醒耳爲停車飄流年代無
從問生長兒孫遂定居未信屋籬他制異猶憐餅
餌故邦如于今萬事殊夷夏出谷遷喬恨有餘

右北平

春陰漠漠亂山高雨意羈愁遞鬱陶何處莓苔侵

虎石徒然店堞記驢槽神仙過去終歸幻將帥生
時豈不豪觚墨精神流萬劫異聞今古賴渠曹

望海亭

風拂戎衣日向西長城盡處上雲梯扶桑以後重
臨壯若木之間望欲迷快覺升沉如夢幻猶將翰
墨了燕齊蒼茫似有蛟龍怒何不揚波洗壁題

西遊戲筆

惆悵浮生兩鬢華又隨灣尹向天涯弊裘猶帶幽
州雪綵筆會題日域花身計萍蓬寧有定文章涕

唾不須誇靈心慧識隨吾在南北東西着處家

發行

昌陵西畔路縱橫出塞歌兼羈旅行歲暮山川空
繚繞日斜村落轉分明誰家古墓餘華表近水寒
林見寄生也是儒冠偏誤爾少時浮念恥躬耕

高陽

郊原氣色莽玄冬征馬關河路幾重古堞經年難
辨字屯雲近夕不成峯登樓王粲荊州旅賦雪長
卿蜀令從老驥尚存千里志塵沙一任撥癯容

望松江墓

宣王盛代一何昭東國文昌不寂寥松老風流盃
滿滿石洲詞藻雨蕭蕭登龍門外曾多客下馬陵
前亦上樵梨月天仙如可見參雲喬木雪花飄

松都

駝橋落照翳征車五百繁華劫冷餘今日荒烟衰
草地舊時光祿侍中居君如恭愍天心去氣盡崧
山佛力疎賴得鄭公生色遠丹心一片國隨墟

金川

自念齋言金卷三
路過江陰炎氣齊羈愁直與落暉低戰場只有灘
聲咽山邑何緣瘴氣迷冉冉天時冬向盡荒荒民
物海之西蒼苔何處迴瀾石淚灑皇華萬曆題

平山

連綿一峽轉層崖山勢差平始展懷西塞初程當
客馬東陽旅食寄官齋縣門叢木殘碑隱戰地荒
灘折戟埋滿說北關前歲事金川太守雪中偕

葱秀

頑山荒野勢徘徊蘊蓄精芒列水隈靈液蒸成鍾

乳滴蒼崖橫作畫屏開玄冬驟雪愁邊樹孤館繁
笳憇處臺華使佳名留大字星霜今古向人催

瑞興

詩無山水助清新長峴荒郊敗興頻火粟田多宜
瘠俗金方地陷足盲人妓歌訛處難鳴瑟村鼓聞
時認賽神愁絕別星迎送樣破旗殘角鬧霜晨

洞仙嶺

梅花時節雪紛紛荒店殘燈曉色分千里欲觀威
化獵一年重踏洞仙雲松林虎跡分明過冰溜泉

聲斷續聞南麓稚兒書塾裏課詩習字也能勤

鎮邊軒夜觀女樂

梅已飄香鶴欲翩高張椽燭敞華筵悠揚塞曲清
歌迥宛轉羈愁錦瑟傳不有風流消永夜那堪雲
物送殘年猶憐絕域迢迢夢仙漏銀臺渺隔天
樓壓層城勢欲翩畫欄西畔萬花筵歌停燭跋微
微落星轉更籌箇箇傳紅粉風情朱墨暇雪山輕
重黑頭年淋漓關塞芬華事揔是君恩雨露天
關河五馬度聯翩隨處歌屏與舞筵翠袖新紋菱

影動艷詞中曲竹枝傳京師易報平安火絕塞將
窮浩蕩年風滿簾旌相顧起下弦微月已西天
揚蛾啓齒步翩翩六幅榴裙上綺筵赤壁後遊和
夢問灞橋春信有香傳吳羅蜀錦繁華地月下花
前少壯年唱到教坊將進酒麴生風味已先天

次主尹李令公

潭韻

黑頭前路浩無窮詩禮家聲念澤風緋帶新從仙
閣出檐帷儼與列藩同禁中頗牧論兵地塞上饒
歌校獵功漠漠玄陰垂鴨水北來皇曆又乾隆

南齊書卷三
統軍亭

長江勢自黑龍催一派三分滄海開白晝雲沙迷
朔氣中原草木人烽臺峒嶢此地亭千尺感慨連
年客再來萬甲蟠曾何處用佳人劍舞強徘徊
黃雲無際大荒悲雪壓中江戍卒疲蘭島寒聲多
雜樹松山悍勢似張旗筆驚華使任詞伯血戰遼
人姜太師文采武功俱寂寞欄干歲暮獨憑時
壽星村近懷文正青石歌悲泣孝宗樓出朝鮮
窮絕岸我來幽朔望玄冬冰霜倚薄龍灣戍草樹

荒寒馬耳峯匣裏長虹光吐否直愁西去化蒼龍

聚勝堂

聚勝高臺雲日深宣王鑿駕昔斯臨山河再奠
還依舊棟宇增修遂至今一水朝宗歸海意百官
羈勒奉君心時危彤筆趨行殿吾祖當年職翰
林

壽星村

瀋館蒼茫石室虛百年生色裂降書荒城江咽朝
宗水短碣苔深杖屨墟一節能全燕獄後清芬不

汴楚囚餘斜陽偏灑滄桑淚當日完顏尚帝居

見京書戲占

呼牛呼馬亦名場罪在平生戲劇長多少光陰駒
隙影等閒文藻麝過香大兒寂寂孔文舉後輩曉
曉盛孝章蓬戶朱門看一樣作人衙客也何妨

夜上統軍亭

明月相隨一片城金波無際雪俱平青蛾緩作憑
空舞畫鼓稀傳出塞聲子夜雲沙猿鶴怨女墻烟
樹斗牛橫中洲咫尺滄桑恨平乘樓頭亦此情

春風月滿義州城松鶻山寒鴨水平千里關河會
戰地五更簫鼓自邊聲疎翁綵筆雕梁古林帥龍
韜粉堞橫列炬沿江明自照登臨猶是鍊戎情
萬象森羅月下城飛樓迢遞大荒平徘徊在地輕
裙影寥亮蟠霄急管聲江出白頭風水壯山分赤
縣畫圖橫水精簾箔琉璃界稍慰西雲旅食情
春風裘帶倚龍城烟雪蒼然四顧平東國幅員窮
鴨水漢陽書信待鴻聲上弦月滿青霄闕古戰場
寒紫氣橫白髮多生西下後仲宣樓上若爲情

上元夜與主尹沮丞乘雪馬遊鴨江

鴨綠江冰天上高佳辰雪馬十分豪銀光一道殷
龍背桂影三更數兔毫無限平鋪清世界相看飛
動水仙曹何由少住星奔勢輾到沙窮不厭勞

龍灣晚眺

刀頭春見月旗脚曉吟風山勢皆從北江流亦向
東故園關塞阻千里雪雲同每向登臨處偏傷吾
道窮

簡洪學士大囿

京口煙霜立馬遲別來關月兩盈虧峒嶢禁直如
天上瑣尾羈愁送歲時寔命不猶從古爾此心相
照付誰知祗應春服初成後思我微吟出塞詩
安邑豬肝說着愁奈無華什續秦州虛舟何與塵
間事窮轍西臨地盡頭書到寒梅遙遞驛夢回殘
角半侵樓流光把玩真無惜連歲因人作遠遊
迢遞停雲極目勞鴨江冰坼見晴濤官盤肉食謀
宜鄙旅橐香詞格不高昌朔繁陰春入塞姜林遺
跡雪平壕洪厓信息憑千里宮帖瀛洲弄彩毫

夜與主尹同賦

麟州笳鼓早春還京撥書來始展顏百折冰澌從
北塞孤明烽火趁南山沿江戍幕寒沙外開市胡
商亂荻間惆悵燕然封石志白頭詞賦滯西關

獨上統軍亭有感口占

西塞雲連白東峯日吐紅百年纔過半吾道未全
窮宇宙千般變文章浩劫空長江流袞袞送盡幾
英雄

韜略姜邯贊詞華任叔英江深石壘改天閣綵樓

明色動東方史香傳藝苑名百年書劍在雲雪笑
平生

別灣府主尹送至城外南厓

東望繁雲與我歸鴨江春水欲何之却從歧路分
張後始覺風流爛漫時

川原征馬溯鴻歸風拂春衫日照之欲識天涯分
袂恨夜燈山驛夢回時

肩輿相送故遲遲豪竹哀絲慰別離一隊紅粧齊
擁髻九松庭畔日西時

長亭喬木夕陽遲千里終須一別離步步回頭征
馬緩青紗戎服立移時
冬去春深未覺遲無端萍合便星離李生悄坐丁
生睡東別堂前細月時
舞影歌聲柰別何萬松回轉已層厓不愁餘雪關
河冷歸及京師第一花

灣妓鱗憑某學士所昞守紅靡他者聞已
經歲云余到府中數朔輒來繾綣蓋以
元賓之所與也暮春余馬東首諸妓皆

自南厓而返鱗也獨追送於三十里外
臨去灑淚不能舍感其意書贈小絕
春潮誰謂過潯陽山驛殘粧別意長且待瀛洲雙
鯉至洪厓不是薄情郎

鐵山

前程九百里水復又山重已過西林堞行穿左峴
松樾愁黃馬病盤喜白魚供塞雪融初盡春燒認
峽農

納清亭

納清亭近遠過雨雪徘徊歛仄山厓轉森羅里落
來一川春自響千里客重回嘉定中間界排鋪信
美哉

嘉山望尹家村

喬松千百株曠野一川紆地最嘉山勝天然隱者
君何時如此境晚計結吾廬行役形骸困春風吹
白鬚

曉星嶺

卓立金方峻蟠回鳥道危橫天曉星嶺騎馬夕陽

時雪落深松黑風縈衆壑悲洞仙仍左峴控扼實
兼之

道中有便寫寄使君

龍灣雖樂不如歸高鳥閒雲信所之珍重使君相
送意南厓絲竹駐驂時

碧溪容易莫誇歸一到滄溟孰挽之空山明月行
應滿難爲佳人住少時

南厓別席妓紅愛
唱青山碧溪之曲

博川江

嘉山界

又向安州去嘉陵江上舟波平雲細漾山闊樹孤

浮遠客玄黃馬晴洲浩蕩鷗高歌猶不廢前有百祥樓

百祥樓

春光凌皓髮筆力畏名樓粉堞排雲動香山帶雪
浮人情看白鳥江水有橫舟萬慮簾旌外不知洲
日流

感懷

濩落陳同甫優閒馬少游功名難入手身計易回
頭驟雪山河盛高歌歲月迢深憐老驥志千里未

能休

不作麟臺念胡然脾肉消雲鴻歸紫塞雪水漲春
橋痴黠元相半毀譽宜自饒文章猶可進無計賁
清朝

橋梁隨處整探候使星過觀察春巡到恩威問若
何雉應馴麥隴雨欲潤棠花去後先生案方知名
實多

記見

關西國重地方伯古諸侯箕域繁華盛棠陰惠化

流時清易緩帶詩麗有名樓莫使清流壁磨崖姓
字留

錄奉灣上

山河麗處客初歸花事東風潤色之雲外伊州千
里半春城鼓角罷衙時

白雪吾誰和青雲子已高窮途聞錦瑟厚意見綈
袍落魄今如此銷魂祇自勞天涯分手處春色滿
亭臯

平壤

朱樓橫粉堞綠水映長林神悅紛紜態光流浩蕩
心東方無甲乙華使昔登臨佳麗有如此歌鍾遂
古人

渡大同江

東風隨意上蘭舟城下春江緩不流浮碧樓深雲
壁轉牧丹峯小翠松幽清明佳麗難爲態宛轉悠
揚易作愁惆悵前朝鄭司諫長堤歌曲散晴洲

戲占

行旅之間自得之人情風物半生詩思凝弦月將

圓處妙發初花欲坼時落景何歸浮遠鴈平原無
際裊遊絲佳山麗水天機滿慧識靈心只自知

黃州

夜宿元關雨晨行自戒心月低猶皎皎松遠只森
森征馬無窮野屯雲幾疊岑竹樓兼水調州號一
沉吟

葱秀

蘭竭太史金陵仙葱秀名區玉溜泉偶爾殊邦揮
翰墨遂令嘉號賁山川玲瓏石乳長時滴盤屈銀

鈞浩劫懸原隰皇華懷不見春風吹淚翠巖前

金川望鶴南鄭相公墓有感

每夜精神望彩笈孤墳四尺掩英姿剛方事主風

雲契文雅憐才翰墨師未報夷門停駟余嘗徒步

之下車久語公義空懷喬墓過車悲白楊流水經

寒食芳草春山誦舊詩

夕過滿月臺

他家興廢不關人滿月臺前亦愴神異釋妖僧終
始事鬼勳壯節許多臣周遭石堞松猶護彷彿毬

庭草又新流水浮雲年五百樵歌一曲夕陽春

臨齋尹副學墓有感

完人從古少清士至今稱孝友天真見文章博雅
能鷗亭空落月玄浦幾春燈濁世懷君子龍門可
再登

喜說明陵事長看晦父書荷衣初服潔芝宇俗情
疎義理存蔬水榮華視土苴清芬掩脩夜春壠悵
躊躇

柳景昌

聖趾

宅會時韞塞後初見

身輕豈足說升沉惟把城居視入林紫塞歸程先
鴈勢白頭詩事較梅心可論黃壤交游盡且樂餘
人歲月深十疊屏風謙老畫等閒山水似巴陰
多少秋聲木落沉宮雲將雪鳥驚林詩無塞作蹤
多畏燈似天機影照心末路浮名何得失古人閒
語亦精深惟應養得寒花見已是陽生剝剝陰

送安岳李使君

灞

龔黃治較陶韋詩溫厚和平庶近之從古元無民
不化于今誰使藝爭奇承明曉漏分憂遠西海荒

雨後念齋詩金卷三
年到任知文學何曾殊政事含光軒集藹然推
尋訪雖稀嚮往存月華猶記海東村相寬禮數應
知懶且間山川却贈言郡角煙霜愁晚稅詩壇松
枯悵名園檀王舊嶽期同見春躡雲霞散鬱煩

夕過蕉齋

秋空當夕迥無涯庭菊荒荒耐作花漸悟古人難
步驟方慙少日信精華百年過半崦嶮景千帙留
奇子史家三入高城知爾健好詩何限撒烟霞

社谷月夜

明燈詞翰每茲樓流水光陰奈白頭孤出繁松無
礙月清留老菊有痕秋長安如海憐萍寄萬事由
天晒杞憂但使虛心高着眼古人深處不難求
高林青靄不停飛秋後幽泉度壑微松有風來淒
作語月無人見皎然歸江湖舊事依依夢五十流
年晃晃暉何限雲山空闊地初心多負芟荷衣
回薄天機物象明空林夜氣爲誰生翠微吞吐寒
山勢黃落崢嶸萬木情圖籍於焉樓獨靜秋冬之
際月逾清東方玩世空癡念文火金丹久未成

了當寒菊百蟲沉霰雪行看皓滿林明月十分高
自轉長松千尺遠如深徘徊歧路何多感邂逅神
情時一吟都下風流思復見琴歌書畫賞春心

趙樂天

榮健

自湖中至夜會社谷

今歲花時別恨生懶裁書札只含情人家歌哭浮
雲過山閣寒暄淡燭明蒼老文章多變格虛閒身
世偶留城滄溟書記空流輩那得夸君筆勢橫

時韞宅同柳景昌賦

世路杈枒百念踈蕭條知縣巷分居隣梅苦問平

安信庭雀多憐篆籀書仙佛一斑冰雪際文章徑
窄宋明餘西灣北塞遊如夢城裏題詩淡返初
君說梅花澁可憐模糊紅白尚茫然期多卜夜應
嫌鬧詩欲覃思強謝妍讀易風埃愁子月送人滄
海憶丁年燈前祇是無聊話猶警晨雞喔喔天

更酬時韞

泯却諸香閨衆鳴梅葩詩韻稍縱橫清寒以雪爲
文采岑寂惟書替友生筆硯兩開秋塞後盃觴遞
到曉鍾聲北龕孤影傳消息故故愆期遲月明

蔡溪友人過

已無鴻鴈響流天只有樓臺影出煙
林雨同聲高翠滴城雲異態落紅懸
峽江浮筏逢知舊市酒對花仍醉眠
也是流年無所賴琴徽風度偶泠然

雨念齋詩鈔卷第三

雨念齋詩鈔卷第四

完山李鳳燮聖章

著

男

明五謹校

孫男

晚用復校

景昌宅賦紅梅一花始開

微紅兩暈似羞塵
噴水催芳奈主人
明月虧盈期已過
小龕開闔悵何頻
珠璣近土猶凝彩
菩薩憑空始現身
寒士方知花苦節
侯家煖藥十分春
淺笑曾無一語交
生香微潤月中袍
精神高處分明辨
氣脉全身屈曲梢
煖玉排寒欺臘雪
蕊珠成

積幻仙巢彼姝者子云何畀除是孤吟逼鳥郊
難將筆力洗塵根雪後姍姍遠望昏定是孤懸爭
月魄猶能先倡警花魂有時香觀全龕靜何限天
機衆蕾翻跨歲連開如度世金丹氣候狃寒門

過子文看梅

精神有月上寒霄未信羅浮地便遙強譬明珠終
覺累故藏幽馥厭全飄塵中潔已心無矜燈下分
身影只搖如是我觀河洛象萬花魂靜一能招
沉吟摸索孰爭華爛漫猶寒獨自家月欲會時偕

者雪香無隱處聖於花風埃望望夷衣立奇耦層
層邵法加猶有一端當戲劇交枝并蒂似相誇
月移惆悵是晨氛稍放神情與客分尖白向圓微
綴雪嫩黃中圻薄鋪雲莫論香色渾驚座試見枝
槎各不羣一落毫端靈氣細言詮終屬不知君
醜槎稜角巧摹山春似同雲吐雪還奇格高低終
不媚苦心寒煖外如閒人間絕白清明在窮處相
憐剪刻斑劉陸林張多少語都輸參月悵枝間

蕉齋梅

心交目擊滌毛皮放處毫光透佛眉潔淨精微無
極象幽閒窈窕可望儀青枝氣秀寒猶潤素馥神
專炯不移過去未來花萬品縱令齊綻詎相知
莓苔強半潤槎皮皓白朝來怪問眉何處浮來衆
香國無端活動渾天儀重重攢簇清相值箇箇透
明寂若移不是人間蘭蕙伍方知湘纍似真知
寂感由香悟性情疎繁隨影幻縱橫一花天地分
明白三日睽離鄙吝萌極力形容歸悵惘通身呈
露絕驕盈何論年歲師惟可不以隣芳置友生

不到稷下有日今年只餘半旬意殊忽忽
借騎夕尋主人明將襪被新署秉燭相
看各有靈芝歲暮之感

乍離窮臘柰全闌強借隣驢夕叩關誇我梅詩頻
卜夜憐君官况又棲山不當全沒風騷跡也自無
妨市肆間鴈到雪消渾歲歲最初吟諷記西灣
約東南生賦歲闌他家梅債又相關徑開筆硯柴
門夕且檢犧牲紫閣山文字百千消遣法交遊一
二澹濃間浮雲閱歷終歸幻苦海蒼茫未見灣

簡謝安岳李使君

梅邊琴鶴政聲如丸藥流年慎起居齋冷苦吟韋
老什吏還忙坼淡翁書自君出矣蒼茫海故我依
然寂寞廬春晚文城方信馬九山佳約百花餘

北洞夜用槎川稿中韻

峒客歸程偶不知尋君欲賦待來詩劇憐月是新
年影可惜梅非舊見時圓滿燈前須卜夜闌珊老
去厭留期郊寒白俗都無擇強附天機亦涉癡

上元

薄霧纖雲不敢隣二三星影僅依辰玲瓏玉宇風
吹月多少天街夜有人盡數鍾聲疑遠曙始從梅
後詠今春通橋細劇分明記五十年來慣見身
旗亭勢與畫橋隣十字街長步月辰雪色模糊多
遠嶂露華清切濕遊人金吾始放昇平夜仙仗纔
回大報春解說冰壺歸濯魄明朝回憶似前身

送人赴燕

厭說滄桑贈使行終然身到却傷情百年雙眼於
斯壯萬事長河不復清婚嫁滿人猶阻漢衣冠戲

子尚留明只憑塘報聞刑政可道星槎見北京
東八站窮野色長坐車昏曉爲誰忙金元氣旺今
皇帝松杏春迷古戰場輦運可知恒北顧幅員爭
說又西張周旋只信徐宗順五鳳樓東日盪黃
綿綿遠道越三千木柵烽臺四牡前直北雲荒蒙
古氣方春野白薊門煙可憐文物歸何處祇是山
川眺宛然南館日長門晝掩夢隨仙漏上花甄
一角幽燕路孰諳乾隆曆子又經三中州財力連
歸北天下精華盡在南皮幣可能填大壑春秋未

信寄空談午門頒錦隨班次九叩頭時萬斛慙
一座煙臺五百金前朝區畫足寒心人材黨錮都
乾沒天運華夷遂陸沉禪學分明亡國崇稗書強
半誨人淫遺民信史知多少緬甸餘春不可尋

送洪志哉希泳從往燕中

兒時讀史慕中州垂老因人始遠游此事窮途俱
暫快向來行軸便相酬長城暮屹空樊柳大陸春
平有壑舟三月煤山逢十九可憐喬木翳龍溝
裁來袴褶洗儒酸度盡臺隍豁井觀青石悲歌春

雨細北平游氣晚鵬寒等閒流峙聞名喜許大鋪
舒着語難先爾有詩分物色庚辰上使老軍官
醫巫山色散蒼茫舜作幽州裂大荒地利都燕元
有失民心思漢竟難詳城高咄咄吳三桂禍遠繇
繇石敬瑭無可與論天下事小凌河畔昔彷徨
時將扇藥作人情購得輕車隱跡行隆福寺前堆
古董暢春苑裏起光晶蒲萄梨棗殊東味駝馬驢
羊盡朔聲應接百千紛在眼稼齋行錄較分明
香烟皇極半空如隨例朝參信象胥誰有中原三

萬里客留南館四旬餘文山祠古形惟肖天主堂
寒樂出虛最是隔行纔數日序班論價送奇書

齋谷夜遇申寢郎光洙不見已數十年

下旬番次上游雲今夜評商一代文著述留看全
藁大睽離驚數十年分風流浪舫同仙吏仕官陵
衫憶 聖君此別清明驪水闊漢京花氣獨芬芬
黃驪寒食使人還且盡餘燈北崦間無已過高排
宋體偶然隨俗別韓山崔承旨去孤琴在神勒寺
幽春水閒多少天機難自隱杏花微雨又相關

雨後念齋詩金卷四
語細春簷雞欲初因之不返所停居詩中絲管前
遊地花事江山此雨餘赴直鳥紗寒食節臨流白
塔懶翁廬親朋水上今餘幾云有丁生一鶴如

柳景昌宅

步屨頻從北岸迴春雲不礙幾樓臺草生夜雨知
深淺風定游絲見往來送客驪江孤棹遠邀人牲
署夕暉開此身已似梅花退猶遣長條破綠苔

訪時韞

過余山館月孤浮尋子橋廬雨未收隨地何妨殊

景色娛窮亦足說風流春宵自短猶堪話他客雖
歸獨見留唐宋莫存分別想偶然吟哢記吾遊

彌雲賞春

同人麗景不期圓松徑微吟到夕天放眼逾知浮
世小有詩難抵化工妍草依廢闕無心綠花散層
城一氣連流序百年從袞袞白頭春望轉茫然

崔李南洪太常西園

休論朱芾記西園癸歲春深晉禊存已爾騎驟先
柳徑遲吾步屨自柴門風前耐住鶉花澹寒後初

來燕子翻今日太常明疊翠道峯桃發始尋源
始有婆娑嘉樹陰攀躋欹側了高深樓臺稜角多
西省花絮神情入上林過鳥不留塵陌影遊絲如
會夕陽心同人一二難相併書札虛勞度北岑

夜過柳景昌

晝看花影暮松聲耳目都詩不爲名深夜又將明
月過此樓終憶舊梅清圓通物性須平等狼藉天
機任遞行餘萼可支三四日幾何鶯囀綠陰生

三月望日與柳崔李南洪諸人遊疊翠臺

夕到掌苑署

衫影捎風柳絮霑故宮煙勢夕陽兼白蓮峯石平
連苑成謹甫松翠滿簷山屐已窮三麓迥春詩恐
入晚唐纖西園箋軸留餘剩昨日不來今日添
金莎如剪射場南坐處臺遙疊翠含鸛帶城陰齊
命侶松排花氣獨全嵐偶游空院春山合不見古
人喬木叅紫閣峯西家獨遠溶溶梨月路能諳
櫻園仄徑轉穹巖孟氏林長翠裛衫迎月神情雲
獨澹棲花毛羽鳥無凡悠揚影散平堤草蒼老心

留廢闕杉小院清宵春况暮天機隨地不能緘
夕園收拾午臺憑灑墨應知借露凝行處松杉聞
暗水歸時院落上初燈春遊日記詩強半夜語窻
痕月幾層細把乘除推物理等閒花葉各良能

社園暮春

拾翠全忘鬢雪垂有詩方覺一春遲看花空幻心
歸佛送馬招邀跡似醫芳草巧圍穿沼岸小桃齊
亞出牆枝綠杉午影微微落政是南生趁約時
始見主人烏角巾名樓林下百年身 穆陵私禰

祠堂古白嶽西支澗壑均晚柳風微徐送絮高花
雲遠澹怡神虛開一面京華勢芳草青郊不見塵

失題

一馬二僮青柳林溪庄花石雨深深向來冠佩東
山志歸去江湖魏闕心憂樂惟應均進退閒忙各
自惜光陰虛舟盡日春潮過黃鳥綿蠻雲返岑

新谷

同工異曲許三分所不知惟後子雲惜此良宵游
輒僅吟於他所誦令聞石鱗窻薄蟾輪潔花藥泥

新燕壘薰且撫生琴三四調向來山水久離羣
東溟根與北溟濱二萬里行記卯辰何限大觀輸
幻夢如今白髮惱青春落花心事無端雨空谷足
音所謂人縱使有詩非復昔誰從潦草見天真
紅濕花時鷺劇乾因人天氣雨醒寒忙猶自在雲
移岫暮與俱來月待欄年老簣簞詩感壁官寒首
嶺日登盤啓禎猶古吾何敢幸免時人僞建安

南殿夜酬時韞

甃時文石地分清詩與秋蟬滿禁城且置溟洋觀

絕域真成雨露溢平生故人直所官燈炯來月離
亭漢樹晴如我白頭成退筆蟲吟鳥語不要名
詞賦名同楚客寒南方橘袖露華殘令渠述作爲
官去使我離居隔歲看舟楫有程于役易海山無
際賞吟難六千里外誰相憶清寺梅花試問安

送南時韞以製述官赴日本

卿自用卿吾用吾每逢佳處各心輸橘年已許師
兮可雪曲那教和者無天與此華真業障地宜多
困且清娛後先東海揚帆去祇是因人豈快途

真情離別厭夸辭海國環觀到卽知親老猶行如
我昔才多益辨似君誰至危地信浮空楫素昧人
求沒趣詩見在行中長似夢只應居者數歸期
將送夫君滄海涯北池秋步問荷花船隨鴻鴈青
春返詩鬪蛟龍赤手拏一渡應銷曾礮礪及歸無
跡眼繁華試從清寺看庭萼定憶茲樓賦雪槎

送通信上使徐淡翁

命膺

瀛洲畫省佩聲頻秋溯仙槎始躡真不見幾微閒
整笏可行忠信雅書紳雲霄玉立窮經力風雨雞

鳴報國身餘事文章聊復爾燭天光怪紫闌濱
歲蕤旌節下青冥原隰輜車去復停天險關防虛
鳥嶺國書兄弟又龍亭舟樓曉暈觀賓日錦石秋
花駐客星一笑曾吞雲夢去永嘉臺下試揚舲
兩國梢工吉語同泱泱大海曉生風水宗踰去厓
無北木道通來日眩東百怪爭奔齊櫓外三神只
在彼雲中伯安曾次元龍氣月上柁樓萬里空
從古海詩無可評木玄虛以賦家鳴神龍化翮垂
雲大彩蜃營樓不日成此屬紛然容作所惟天堪

與蕩相爭送公東去依稀憶舊覲於今尚夢驚
宛在中洋紅錦旗酹僧宗守各威儀官居寺刹樓
臺白桐柏棕櫚烟雨垂平地下來何世界主人逢
着盡侏離尋仙意想還蕭索青竹題詩故國思
去去煙波只似前如愁如喜劇茫然水站強名餘
四百心靈疑亦化神仙霸臺雲積遊魂古藍島山
來極目妍一蹕帆風三大海赤間關外蔽洋船
天皇赴水八齡兒竹柏森崖有古祠關伯兵權從
此盛日東通鑑至今悲魚龍瑟縮波聲怒圖畫淒

涼戰狀危灰劫他邦那足問阿彌佛寺一題詩
天下奢華河口船船二萬費銀錢黃金鈴子流
蘇鞞朱漆欄干錦帳懸服着龜文遵渚曳謳歌楚
調溯風傳各州太守爭夸勝象譯所乘尤絢鮮
大板城中東願堂朱欄綠瓦桂爲樑山晴曉識金
銀氣海暖秋聞橘袖香方士詩書元傳會神人銅
璽極蒼茫九州以外鋪敘麗衣繡宵行造化忙
層構浮天野色脩倭皇開國自周幽寧能禁汝爲
東帝可惜無兵制武州威令不伸山海幻稅供猶

集錦銀稠無相關涉朝鮮使時或觀光到市樓
征夷僞爵也堪羞非帝非臣別一會厲氣猴精平
秀吉餘風虺毒薩摩州常時戰艦蒼茫海着處霜
鉉睚眦讎想到龍蛇心骨沸長纓係越柰無由
積水誰知大陸蟠峯何迢峻野何寬家家橙子香
侵牖頻頻鯨魚膾上盤龍蓄九頭箱嶺黑雪翻千
仞富峯寒琵琶湖與洞庭抗五百里間三壯觀
舉國傾都玩使華紅氍錦扇億千家目中但覺胡
然帝天下應無似此花不待朱鉛名護屋渾成粧

東阿蘭陀盤雲髻于朱紅舫萬竹林邊盪楫過
虹橋飲水通船入茶屋蒸香坐佛孤越俗文身傳
自古秦風武力死如趨樓臺塔廟連天有喪祭冠
昏掃地無未到若教風引去玲瓏別是汝南壺
玄關朝日盪銅恩玉佩金冠影陸離兩國和親中
有信一行文武盡相隨泥金屏密鋪陳盛蘇鐵林
疎讌亭遲錦袂蓼封三執政馬州裁判爇香披
上使深衣昔借看源王世子善之端伊來聞說荒
淫甚惡俗應知變化難山川極麗虛車載經籍雖

刊束閣觀痼弊由來緣世襲不分魚魯便高官
松盡雙行里塚來城高百尺水車催令人飛舞福
禪月滿地蟠拏清見梅十六年間無變改三千里
外想徘徊胡床隨處庾樓興幕府南生袁謝才
世自無常公有常曾中夷險淡相忘乾坤萬事中
流棹離別秋花老圃香倏爾年華終遞易蕭然王
事一句當却從金絕河邊過風颺輕舟覺更忙
百幅帆張盡力篙風殫露宿不瑕勞願言君子崇
明德利涉大川無怒濤彩筆昔曾書記往白頭閒

說海游豪蒼龍朱鳥交回地每夜天文指點高

集南齋

下鑰方知滯直深移燈誤作照梅心春盤釘餽通
門隙松雪呆愚映殿陰送客溟洋經歲盡爲官朝
暮侍天臨趙詩堪與淵翁敵進玉時來輒對吟

陪翼齋聯句

南郭高人偶出山

翼齋

西樓孤燭相公閒經綸餘暇

圖書內

聖章

江海遐情几席間浮世窮通除體貌

翼齋

衰年羸健較容顏繡衣關嶺何時返

聖章

兩地離思

想一般翼齋

用前韻

今年吟弄負秋山東閣清宵偶作閒姚宋經綸霄
漢上島郊風韻雪花間雲泥尚許忘形跡丹藥無
由駐鬢顏老圃寒香多少祝向來經歷已千般

翼齋共賦

何處靈芝可療飢十年京洛負明時空花一任浮
名過玄草誰教後世知病鶴丹霄徒夢寐寒梅窮
臘已心期偶然雪後沙堤步聊復燈前石鼎詩

詞華非至道持以慰蕭蕭寒菊元來傲微霜不敢
搖秋懷當剝月夜詠到崇朝即此存昭曠前脩未
覺遙

疊前韻酬盧天若

高士憐松菊騷人怨艾蕭西原杳何極鄉思正相
搖志業摸前輩文章報 聖朝雲萍疑有合離別
豈辭遙

上元

梅前梅後聞君吟薄霰融泥意到尋藥飯蒸來留

節饌紙爲飄盡悵童心文章笑罵何妨雜門巷塵埃不厭深明月八分殊未易他宵會合豈如今

看花分韻

春方恣意盛年如衰矣吾今步屨初柳色久應烟澹蕩杏花純是雪鋪舒情人過境居然想詩格無新自爾踈若使東風寬數日洛人看後且看餘歲歲看花眼輒生精華如此發縱橫不知林路遠城勢轉入山樓坐水聲洞記前名迷不得詩如游氣望難成艮岑絕頂多人坐高眺幽尋各異情

輓子文

徘徊蘭棘淚滔滔又哭平生李海臯氣勁不堪東海隘眼明偏數杜陵毫森羅少壯悲歡迹惻愴身家拮据勞亡處六親都不見石城颺馭王樓高樂意生香三十蕙天機江漢兩浮萍曾蟠成竹庭空月日解全牛劍發硯獨許我眉天畔雪交憐磨蝎命中星田園書籍桑榆恨三王惟應寄典刑一展詩文斯有人格清神秀爛天真江居草榭巾衫影海役蛟鼉翰墨身盛際風流齊步驟白頭情

幅絕緇磷朴崔高處思應到單作詞章子所嘖
未見華陽永保詩赫蹄纔報聽蟬思浮生信不朝
謀夕上世元無父哭兒流水孤絃從汝絕婁江百
韻奈吾衰商量萬事都消歇黃葉秋陰後死悲

臘月既望

蚕嶺旋成霎地親子移官直我移隣萬事祇應隨
境換今年又復患詩貧月冷嚴難觀色界梅枯悵
似失情人還從貞谷調貞疾罷着鬢巾用艷巾

春日南洞

兩潔城今各迤棲雖縻散職每隣齋花游我馬行
將去樓坐君言亦復佳平等悲懽衰世事留連光
景達人懷匝栽官樹從笄紙痛掃除時枿去厓
四序惟春我不閑多回獵掇出柴關花今至賤鋪
城遍燕是新來覘壘還官冷強騎高骨馬詩清優
抵白雲山猖狂未掩玄言妙究竟終歸晉宋間
花政支離又未歸虛教五稚候荆扉燈橫影牖眸
相炯琴轉靈山瓜不稀柳部南常朝暮失桂坊東
峽後先違葫蘆朴李蠶頭錄木覓西岡且振衣

橋南

冗啣只是強名官由吏遲來受廩難捨馬縱能誇
脚健攜羶猶復怕廳寒朝毫寶塔臨成課夜枕香
山把好看已覺小詩妨學道柰聞鶯語過林端
何必山林去裂巾布衣安往不爲貧春歸花鳥收
輕薄老去詞章喜雅馴午睡方濃如意事晨星可
數會心人敗墻雜草無多景收拾爲詩小品新

四月九日居今堂小集

搖漾盆池劣受天芭蕉躑躅蔭其前退燈全沒精

神出殘局如忘黑白然詞翰多輸元侍直齒牙較

勝朴同年青錢買草與驟子容汝茅槽吃了眠

雨後

政是主人詩癢時客言消寂莫如碁無花石竹開
專寵習篆霜毫秃幾枝林雨乍褰猶聽滴嶺雲雖
悅不堪持烏紗二件無由喚勝事難圓各自知
纖雨時零他嶂晴窻櫺如畫有碁聲荷珠圓性分
身肖鷺羽遙程返照明印杜機詩評古律裝元靈
筆雜真行可憐僣世旋相失去後精華未敢輕

秋日

闌闌行窩綽可居山樓况是類精廬蕉心展盡方
烏有梧葉才零是曆書睡到微醒猶半蝶詩無創
獲只磨驢當秋萬象無真面始覺松杉不改初

既夕

朝籍何妨久不收白雲初豈有心遊中原金散求
書囊西谷烟稀對嶽樓天放有三榮啓樂地理無
一仲長憂白頭猶惜情朋盡多少蕉梧不耐秋
百事都無少壯心餘年一着望雲林高秋散落皆

春物永夜淋浪是午陰舊帙字織常苦眩新交面
熟實難深詩情祗抵蟲聲切感激終非正始音
一約還孤百遍過他人會集每聞多芭蕉只合題
唐句蟋蟀何知學楚歌子夜踈簾纔斂局孫庄細
月請看蘿中郎久別文闌盛七發犁然起宿痾
精華難敵崦嵫闌餘念方論宦跡寒短髮鑷從同
甲較細書拋與少年看半雲雨處輸贏局徒哺啜
時狼藉盤無數敗荷珠自迸試牽秋氣涌毫端
蟲自悠揚滿腹奇天機合處謝人知燈前卽事秋

聲賦槎上前遊海市詩典到琴書酬子債培成梧
竹見孫枝南生亦備晨星數西郡迷茫鴻鴈遲

北里

川渠濬後路渾沙風眩添來鬢倍華同我襟開驢
背叟被君書詫鶴翎花經來桑碣都虛境斷送農
淵小作家城郭絕稀開口笑高秋猶惜日斜斜
今年工課了何經牢落油窻篆字屏庭有寒花多
惻惻城無一樹不亭亭斯樓匝坐同秋感他衙留
期被雨停隨地道遙無大小璃瓶三鮒較鯢溟

居諸相逐去堂堂餘景無多舊業荒弄我精神惟
副墨忘人名姓敢雌黃硯誇日國純成製梅惜陶
翁舊種香他日展詩如日觀一庭紅葉雨露墻

秋日居今堂

陸續人非赴赫蹄徘徊地不選林溪當空雲吐千
般幻濯熱蟬乘一氣啼衰境詩文宜筆禿榮途聲
價恐碁低李員外是經年別洪壯元家復此攜
詩欲求閒還不閒古人高處奈難攀翠皮梧大風
微動紅子瓜涼暑不關七數又加星渡夕兩篇纔

到日舍山朴生赤脚脫巾臥南望層松縹緲間

秋後又集

黏日無由膠積阿冥心祇欲寄無何秋猶蕭瑟冬
何耐晝未團圓夜幸過窮策南歸茅屋小好詩東
出白雲多黃花曝作願生枕等待心惟雪萼皤

梨園

梨園做度桂坊餘蔭路清閒雅志如每有盤飧勤
遠速能於絲竹不全疎茗香歛澹爐薰後羽調徘徊
雪下初明日如期二六坐同人幾處又飛書

冬日偶集

坐談萊舶與遼鞍三影燈前得歲寒大篆信能誇
腕力險詩無已役心官磬停尚蘊黃鐘妙梅缺殊
非太極團屈曲屏風閒漫帙誰賓誰主只清歡

陪翼齋相公遊花開洞

迴翔起山鳥指點訝村兒蕉扇風初偃苔階雨欲
滋烟花小吏屋春日相公詩休說東山臥蒼生屬
望時

李令人輓

綺紈態絕案眉前佳婦良妻內則篇壺德豈論才
謝韞芳年僅是女顏淵琮珩雜佩虛遺跡琴瑟淒
音愴獨絃解識蘇州終古恨高林滴露不成眠

過子承新居

新成塗墍淨治廬小小花盆慰宴居難得心開宜
謝友能緣生晚益觀書守貞陶有真如菊寓感莊
非實羨樗燕子不來清晝永過簾山翠豈相踈
筆墨精良牋簡華每來清事在君家身雖處洛如
藏炭僮不傳書卽灌花意曠同成幽夢幻經存寧

恨古人賒祇應大隱還城市未必山顛及水涯

子承宅雨夜

稚子嘲吾雨笠斜賦詩端的向元家遵生箋厭糝
糊板抵死香憐倔強花假使百年羸折半雖非上
酒莫辭賒青山黃閣同遊隔猶把霜顛映墨華
曲几看書待薄暉影窻透雨灑餘飛行經關塞歸
驢倦語到羅麗過鳥微俗子多評詩可悶寒花太
澁月相違倚樓消息遲遲夕何店炊烟獨曬衣
東陽家酒買來遲何限亭臯葉下時灑盡風埃差

賴雨掃空蟲鳥獨留詩寒香老菊通根了真格秋
山到骨知解說東州村里宿弓王堞壘只殘碁
東北征鞍卸却閒大荒風色尚眉間燈應異釋談
王寺雲是名臣洒淚山黃菊歸來同潦倒金剛咫
尺阻登攀花江瓜限如相代宿約寧孤一往還
梧殘楓落雨鳴秋祇有黃花伴白頭風氣那堪淘
浪勢文章空抱望洋愁寒燈有史來孤憤敗篋無
詩稱壯遊二十年前三十軸銅湖一面鎖虛樓
晨雨何嫌馬首東黃花聞已七分空蘭亭癸丑年

非少荷珮庚寅趣卽同薄酒悲秋鴻鴈後殘書結
夏蠹魚中知君凌越關山險筆力方知雪嶽翁
灑氣褰空星四垂娑娑鴈字雨相吹且沽隣酒酬
楓葉猶記邊娥按竹枝萬事祇應碁不着同人誰
復席頻移奇書滿篋留餘癖皇曆來時問裕之

過仁則夜飲

秃毫隨意墨塗鴉消遣羲和迅速車忽此留連同
夕飯何其晚晚賦冬花文章學杜還成宋生理賣
書仍及家差喜小庭纖月過夾牆喬木影相義

黃葉時時作雨聲
莫書信手錯陰晴
含沙陰中愁流俗
下馬陽尊愧後生
稚子何須煩種學
情人每勸莫留城
尋常涕唾多行役
燕越猶能記姓名
詩寄人家懶不收
熟知身外摠浮浮
乾坤木落流年感
朋友燈深獨夜樓
隨處徘徊那免俗
偶然揮洒欲忘憂
秋聲豈用文章寫
始識歐公不識秋
使有黃花吾不單
晚香多處便忘寒
浮來江海誰治楫
遁入山林欲裂冠
差賴楞嚴開悟解
猶思附子補癘殘
逢君不作尋常夜
半什休令俗輩看

疎疎落點上林鴉
檻檻歸輪大路車
無奈病深秋以後
可能詩負菊之花
蠹魚生活嗟吾癖
雞黍心期每子家
搜索只應歸險僻
何由綵筆效溫義
閒披內典色還空
及到君家所業同
猶待子雲千載下
真成魯殿後生中
黃花影正蒼茫月
紅葉聲稀鬢發風
偏仄轉身行不得
輪迴慎莫再生東
放筆爲詩駭見聞
沉香歲久自生薰
古人糟粕猶難盡
今世鴻濛似未分
聊以自娛蟲及鳥
有誰相挽月隨雲
皇華不接官名在
依樣中州例奏文

雨念齋詩鈔卷第四
心如西日半啣山逋債詩文苦未還潦草不曾分
甲乙空花無奈翳中間身居貞谷仍成號書借元
家始解顏臯友已成秋柏實每當雙會淚相關
遙原風葉響知飄近牖霜花影見搖似有天機凝
此際幸無人客截今宵年光難禁悠揚水世路如
行窻窳橋吟滿十篇方許睡怪君痴癖不全消

雨念齋詩鈔卷第四

